



## Universitätsbibliothek Paderborn

**Dictamen Illustrissimi ac Reverendissimi P. Mag. Fr.  
Gabrielis Adarzo de Santander, Episcopi Viglevanensis,  
Ad Interrogata respondens Circa Exclusivam, quandoque  
à Principibus interpositam, ne ...**

**Adarzo, Gabriel**

**Frankfurt, 1660**

... nullam facit injustitiam Excluso.

**urn:nbn:de:hbz:466:1-10517**

meæ , ne ingrediatur & furetur quæ mea sunt ; & in hoc nullam planè facio Joanni injustitiam , quia licitum est mihi præcavere dāmno meo , interpretando dubia in deteriorem partem , ut remedium apponam malo mihi imminenti , & ei occurram , juxta doctrinam S. Thomæ citatam *num. 56.* Si ergo ne dāmnificer in surto pallij , aut alterius rei familiaris , possum licet claudere Joanni ostium domus meæ , ne ingrediatur , & furetur pallium , existentibus indicijs dubijs tantum de eo , quod ipse fit Latro , & ad hoc sic præcavendum , possum tutâ conscientiâ dubia in deteriorem partem interpretari : Cur Principi habenti indicia non dubia , sed certa moraliter , de improbitate Titij , non erit ei licitum , in præcautionem dānni communis , sollicitare & procurare , mediante Exclusivâ , ut ei ostium ad Pontificatum occludatur , ne introgessus cuncta publica Ecclesiæ dissipet , perdat & evertat :

*Quod Exclusiva nullam faciat Injustitiam  
Excluso.*

59 **S**ecundò peccat Exclusiva contra justitiam , quia infert dānum excluso , contra justitiam , præcipue in casu , quo Titius dignior excludetur , ut potest accidere : Ergo Antecedens probatur , quia

quia Exclusiva, quantum in se est impedit ne eligatur, privando cum jure, quod ad id habebat: Ergo. Argumentum hoc tangit punctum de digniore, & petit examen & discussionem, quis dignior dici debeat: de quo sectione sequenti: Sed nunc

Respondeo Primo, Principem non excludere dignorem neque dignum: sed inimicum Pacis publicæ. Non enim spectat ad Principem judicare de meritis eorum, qui debent, & possunt eligi, quia non est Elector, & solum gaudet officio Defensoris Ecclesiæ, & Protectoris suarum Provinciarum, sibi à Deo creditarum: & ratione munera istius incumbit ei proponere, & conari ne eligatur ille in Pontificem, de quo prudenter judicat certò moraliter futurum exterminatorem pacis publicæ, in perniciem Ecclesiæ, maximè sui Regni.

Respondeo secundo, repugnantiam esse in 60 terminis, quod sit dignior Pontificatu Titius exclusus ob animi inquietudinem, & privatas confederatiōnes ad eos, qui bellis Ecclesiam vexant, & contristant: nam vox ista *dignior Pontificatu*, est vox relativa ad utilitatem Ecclesiæ, cui est præficiendus electus, ut sectione sequenti explicabo: unde hic & nunc illetantum erit dignior, qui in Ecclesiæ pacem (cæteris parib. & suppositis supponendis) fuerit magis propensus.

Sed de hoc latè sectione sequenti.

**61** Respondeo Tertiò, Principem per Exclusivam non privare Titiū jure aliquo, q̄ restitutioñē expostulet; quia obligatio restituendi solum oriatur ex violatione justitiae commutativæ, non ex violatione justitiae distributivæ, ut supponunt Tannerus 2.2. disp. 4. de just. quæst. 6. dub. 1. nu. 20. versu nec etiam Layman lib. 4. seet. 5. tract. 2. cap 7. num. 2: post Adrianum, Sotum, Cobarrubias, Navarrum, Valentiam, Toletum, Saa, Lessium & Gutierrez, locis à Layman citatis: & expressè traditur etiam à Martino de Ledesma. 2 p q. 1 8. v. secunda conclusio: Mercado de contractib. lib. 6. cap. 17. versu, y aſi dicen: Rebellus de obligation. just. 1. p. lib. 3. quæst. 3. Dignior autem tempore Exclusivæ nullum jus habet, ob cuius violentiam oriatur obligatio restituendi ex justitia. Quod sic ostendo: nam imprimis non habet jus ad rem, cum oriatur ex ipſa electione, secundum omnes Doctores: Præterea, nechabet jus in re, quia istud consurgit ex possessione (& in nostro casu habetur ex consensu, & acceptatione electi, subsecuta ad electionem) quæ nullo modo concurrunt in digniore excluso, tempore exclusionis: quo tempore solum habet dignior (ut rectè dixit P. Suarez lib. 4. de Relig. cap. 50. num. 29.) idoneitatem, quæ licet aliquando sufficiat ad jus ad rem, pertinens ad justitiam distributivam, tamen illud non est propriè jus (quia scilicet non obligat ad restitucionem)  
sed que-

*sed quedam proportio personæ cum tali munere. Hæc Suarez;*  
*& est optimum simile in Artifice maximè dextero,*  
*& habile ad aliquod opus, qui ex habilitate nullum*  
*ius acquirit ad præmium pro opere faciendo desti-*  
*natum, usque dum cum effectu tale opus efficiat.*

Vnde consequenter prædicti Doctores docent, 62  
*quod casu, quod excluderetur ille, qui in veritate*  
*est dignior, & esset facienda restitutio; tunc restitutio*  
*non deberetur excluso digniori, sed Ecclesiæ, vel*  
*communitati, cui infertur præjudicium per exclusi-*  
*onem dignioris. Videatur Tannerus, num. 2. Est*  
*optimum exemplum illud, quo utitur Sotus lib. 4. de*  
*just. quæst. 6. art. 3. in solutione ad 6. arg. in examine sententiae*  
*Cajetani ubi sicut habet: si enim Paterfamilias Æconomum*  
*suum conducere operarios, mitteret: ill. autem studio conducoret*  
*eas, qui non essent ad opus idonei: restitutione profecto teneretur,*  
*non idoneis, quos prætermisit, sed Domino, cui damnum dedit:*  
*& concludit Sotus, quem sequitur Tannerus, dicens*  
*hoc esse de communi mente Doctorum: Videatur*  
*etiam Cajetanus, tomo 2. opuscul. tract. 9. quæst. 3. versiculo,*  
*quoad Tertium: ubi cum D. Thomâ docet, re-*  
*demptionem vexationis in consecutione Beneficij,*  
*non habere propriè locum ante jus acquisitum,*  
*mediante electione.*

Ex quibus apparet, quod Exclusiva nullo jure  
 privet

privet exclusum dignorem ( etiamsi malignitate interponatur, & repræsentetur ) ita ut inducat obligationem restituendi.

**63** Addo , quod nec privatur exclusus potentiam, quam habet , ut eligatur: nam non sunt ita validæ preces Principis, ut cogantur Sacri Electores non eligere, quem voluerint , etiam reluctante Principe excludente : vnde repræsentatâ Exclusivâ sarta tecta sunt omnia exclusi, ut possit eligi. Et dato , quod preces Principis essent efficacissimæ ; adhuc non privatur exclusus jure ( si quod habet ) ad passivam vocem : nam hoc jus tantum consistit in potentia ad eligi: Exclusiva autem non eò respicit , ut potentiam destruat ad eligi : sed solum impedire conatur ipsum eligi actuale: & cum possint esse simul carentia electionis passivæ (ad quam tantum dirigitur Exclusiva) & potentia ad eam , ut patet in omnibus , qui possunt eligi , & non eliguntur: sequitur quod Exclusiva non auferat excluso potentiam ad eligi: & solum impedit actualem passivam electionem.

*Quod*